


O‘ZBEKISTON RESPUBLIKASI
OLIY TA‘LIM, FAN VA INNOVATSIYALAR VAZIRLIGI

71010201 – Sport faoliyati magistratura mutaxassisligining

MALAKA TALABLARI

Chirchiq – 2024



ISHLAB CHIQLILGAN:

O‘zbekiston davlat jismoniy tarbiya va sport universiteti.

TASDIQLANGAN VA AMALGA KIRITILGAN:

O‘zbekiston Respublikasi Oliy ta’lim, fan va innovatsiyalar vazirligining
2024-yil “01” 08 dagi 277 - sonli buyrug‘i bilan.

JORIY ETILGAN:

O‘zbekiston Respublikasi Oliy ta’lim, fan va innovatsiyalar vazirligi.

Mazkur Malaka talablari “Oliy ta’lim davlat ta’lim standarti. Asosiy qoidalar”, “Oliy ta’lim davlat ta’lim standarti. Oliy ta’lim yo‘nalishlari va mutaxassisliklari klassifikatori”, O‘zbekiston Respublikasi Milliy va tarmoq malaka doiralari (ramkasi), kasbiy standartlar va kadrlar buyurtmachilari takliflariga muvofiq ishlab chiqilgan va rasmiy me‘yoriy-uslubiy hujjat hisoblanadi.

O‘zbekiston Respublikasi hududida Malaka talablarini rasmiy chop etish huquqi O‘zbekiston Respublikasi Oliy ta’lim, fan va innovatsiyalar vazirligiga tegishlidir.

MUNDARIJA

1. Umumiy tavsif.....	4
1.1. Qo‘llanish sohasi.....	4
1.1.1. Malaka talabining qo‘llanilishi.	4
1.1.2. Malaka talablarining asosiy foydalanuvchilari:.....	4
1.2. Kasbiy faoliyatlarining tasnifi.....	4
1.2.1. Kasbiy faoliyatlarining sohalari:.....	4
1.2.2. Kasbiy faoliyatlarining obyektlari:	5
1.2.3. Kasbiy faoliyatlarining turlari	5
1.2.4. Kasbiy vazifalari:	5
2. Kasbiy kompetensiyalariga qo‘yiladigan talablar	7
3. Amaliyotlarga qo‘yiladigan talablar	8
4. Fanlar katalogining tuzilishi:.....	9
Bibliografik ma’lumotlar	10
Kelishuv varag‘i	11

1. Umumiy tavsif

71010201 – Sport faoliyati magistratura mutaxassisligi bo'yicha magistrlar tayyorlash kunduzgi ta'lim shaklida amalga oshiriladi. Ta'lim shakli bo'yicha o'qitish kredit-modul tizimi asosida tashkil qilinadi. Magistratura dasturining me'yoriy muddati 2 yil.

1.1. Qo'llanish sohasi

1.1.1. Malaka talabining qo'llanilishi.

Malaka talabi **71010201 – Sport faoliyati** magistratura mutaxassisligi bo'yicha magistrlar tayyorlovchi barcha oliy ta'lim tashkilotlari uchun talablar majmuyini ifodalaydi.

1.1.2. Malaka talablarining asosiy foydalanuvchilari:

mazkur magistratura mutaxassisligi bo'yicha malaka talablari, o'quv reja va o'quv dasturlarini ishlab chiqish va yangilash, ular asosida o'quv jarayonini samarali amalga oshirish uchun ma'sul hamda o'z vakolat doirasida bitiruvchilarning tayyorgarlik darajasiga javob beradigan Oliy ta'lim tashkilotining boshqaruv xodimlari (rektor, prorektorlar, o'quv-uslubiy boshqarma boshlig'i, dekanlar va kafedra mudirlari) va professor-o'qituvchilari;

magistratura mutaxassisligining o'quv rejasi va o'quv dasturlarini o'zlashtiruvchi oliy ta'lim tashkilotining talabalari;

magistratura bitiruvchilarining tayyorgarlik darajasini baholashni amalga oshiruvchi Davlat attestatsiya komissiyalari.

ta'limni boshqarish bo'yicha vakolatli davlat organlari;

Oliy ta'lim muassasasini moliyalashtirishni ta'minlovchi organlar;

Oliy ta'lim tizimini akkreditatsiya va sifatini nazorat qiluvchi vakolatli davlat organlari;

kadrlar buyurtmachilari va ish beruvchi tashkilot va korxonalar;

Oliy ta'lim tashkilotlariga o'qishga kirayotgan bakalavriat va boshqa manfaatdor shaxslar.

1.2. Kasbiy faoliyatlarining tasnifi

1.2.1. Kasbiy faoliyatlarining sohalari:

71010201 – Sport faoliyati – “Xizmat ko'rsatish sohasi”ga oid mutaxassislik bo'lib, u barcha ta'lim muassasalarida mutaxassislikka oid fanlarni o'qitish, Oliy, malaka oshirish va qayta tayyorlash hamda professional ta'limi muassasalari; sport maktablari; ixtisoslashgan sport maktablari; Olimpiya va paralimpiya sport turlariga tayyorlash markazlari; sport klublari; O'zbekiston Respublikasi Sport vazirligi va uning bo'limlari, O'zbekiston Respublikasi Milliy Olimpiya qo'mitasi va uning tegishli bo'limlari; sport federatsiyalari va assotsiyatsiyalari; sport tashkilotlari va “Sport” erkin iqtisodiy zonalarining sport mahsulotlari ishlab chiqaruvchi korxonalarida kompleks masalalarni yechish usullari, metodlari va uslublarining majmuasini qamrab oladi.

Mutaxassislik bo'yicha fan, texnika va texnologiyalarning zamonaviy yutuqlari, kadrlar buyurtmachilari talablaridan kelib chiqqan holda magistrnlarning kasbiy faoliyat sohaslarida qo'shimcha va o'zgarishlar bo'lishi mumkin. Bo'lishi

mumkin bo'lgan qo'shimcha va o'zgarishlar muayyan mutaxassislikning malaka talablari va o'quv rejalarini ishlab chiqishda hisobga olinishi nazarda tutiladi.

1.2.2. Kasbiy faoliyatlarining obyektlari:

O'zbekiston Respublikasi Sport vazirligi tizimi tashkilotlari;
 Oliy ta'lim, fan va innovatsiyalar vazirligi tizimi tashkilotlari;
 jismoniy tarbiya va sport jamoat birlashmalari tizimi;
 sport tashkilotlari va korxonalarining boshqaruv tizimlari;
 sport jamoalari, klublarining boshqaruv tizimi;
 sport bilan professional tarzda shug'ullanuvchilarning o'quv-mashg'ulot jarayonlari;

OTM va mos professional ta'lim muassasalari o'quv jarayoni;

Ilmiy-tadqiqot va ilmiy ishlab chiqarish muassasalari ilmiy va texnik loyihalari.

1.2.3. Kasbiy faoliyatlarining turlari

Ilmiy-tadqiqot faoliyati;

Ishlab chiqarish-texnologik faoliyati;

Tashkiliy-boshqaruv faoliyati;

Loyihalash, konstruktorlik-exnologik faoliyati;

Konsalting xizmati faoliyati va shu kabilarni o'z ichiga oladi.

1.2.4. Kasbiy vazifalari:

mutaxassisligi bo'yicha Milliy malaka ramkasining 7-malaka darajasi hamda magistr kasbiy faoliyatlarining sohalari, obyektlari va turlariga muvofiq magistratura bitiruvchisi quyidagi kasbiy vazifalarni bajarishga qodir bolishi lozim:

ilmiy, amaliy tadqiqotlarni o'tkazish, tajriba natijalarini tahlil qilish va ular asosida ilmiy asoslangan xulosalar chiqarish, ilmiy yangiliklarni kashf etish;

ilmiy maqolalar, ma'ruzalar, risola, o'quv adabiyotlar tayyorlash va tahrir qilish, o'tkazilayotgan tadqiqotlar mavzusi bo'yicha ilmiy sharhlarni ishlab chiqish, referatlar va bibliografiyalarni tuzish;

ilmiy adabiyotlar va internet tarmog'ida eng yangi ilmiy, konstruktorlik, texnologik va ekspluatatsion yutuqlar haqidagi ma'lumotlarni maqsadga yo'nalgan holda qidirish va topish;

ilmiy seminar, musobaqalar, sport tadbirlari va ommaviy sport tadbirlar tashkil etish, o'tkazish hamda faol ishtirok etish;

mos mutaxassislik mavzusi bo'yicha ilmiy loyihalarni ishlab chiqish, yechilayotgan ilmiy muammolar va topshiriqlarni konseptual va nazariy modellarini ishlab chiqish;

Oliy ta'lim, qayta tayyorlash va malaka oshirish, professional ta'lim muassasalarida mutaxassisligi bo'yicha pedagogik va o'quv-uslubiy faoliyat yuritish;

o'quv jarayoni va ilmiy faoliyatni tashkil qilish, zamonaviy axborot va pedagogik texnologiyalardan, o'qitishning texnik vositalaridan foydalanib o'quv mashg'ulotlarini o'tkazish;

pedagogik va ilmiy mahorati hamda malakasini muntazam oshirib borish;

jismoniy tarbiya va sport bo'yicha ilmiy-tadqiqot ishlari olib borish, yuqori malakali pedagog mutaxassislarni tayyorlash;

jismoniy tarbiya va sportga oid psixologik ilmiy tekshirishlar bo'yicha namunaviy usullarda ilmiy-amaliy tadqiqotlar o'tkazish;

respublika va xorijda chop etilgan jismoniy tarbiya va sportga oid ilmiy-psixologik axborotlarning ilmiy manbalarini o'rganish hamda ilmiy-tadqiqot ishlarini bajarishda bevosita ishtirok etish;

aprobatsiyadan o'tgan usullarni qo'llagan holda jismoniy tarbiya va sport sohasidagi faoliyatning psixologik jihatdan samaradorligini aniqlash bo'yicha ilmiy tadqiqot o'tkazish;

ta'lim va tarbiya jarayonini ta'lim oluvchilarning yosh hamda psixofiziologik xususiyatlariga, shu jumladan ularning ta'limiy ehtiyojlariga mos keluvchi pedagogik texnologiyalardan foydalangan holda tashkil etish;

pedagogik jamoa, ota-onalar, davlat va nodavlat tashkilotlar bilan hamkorlikni tashkil etish;

kasbiy o'z-o'zini tarbiyalash va rivojlantirish.

pedagoglarning kasbiy ehtiyojlari hamda imkoniyatlarini o'rganish va tahlil qilish hamda olingan natijalar asosida individual metodik qo'llab-quvvatlash tizimini loyihalashtirish;

matematik-statistika usullari, axborot texnologiyalari yordamida tadqiqot natijalarini qayta ishlash usullaridan foydalana olish, umumlashtirish va xulosalarni shakllantira olish;

Tashkiliy-boshqaruv hamda xizmat ko'rsatish faoliyatida:

qonuniylikni ta'minlash, jamiyat, davlat va shaxs hamda xo'jalik faoliyati subyektlarining iqtisodiy xavfsizligini ta'minlash, turli mulk shakllarini himoya qilish;

reja va hisobot hujjatlarini tuzish, ommaviy jismoniy tarbiya tadbirlarini hamda sport musobaqalarini tashkil qila olish;

boshqaruv qarorlarini qabul qilish;

jismoniy tarbiya va sport, sport-sog'lomlashtirish muassasalari ishini tashkil qilish va uni boshqarish;

xizmat ko'rsatish jarayonlarining atrof-muhit muhofazasi, yong'in, texnika va mehnat xavfsizligi talablariga mosligini monitoring qilish;

ijtimoiy hamda shaxsiy maqom va rivojlanishda yuzaga keluvchi nuqsonlar, shuningdek, sport faoliyatidagi turli kasbiy xavflarning profilaktikasi bo'yicha standart dasturlarni amalga oshira olish;

vaziyatdan kelib chiqib maqsadlar va respondentlarning kontingentiga mos psixodiagnostik usullarni tanlab qo'llash hamda olingan ma'lumotlarni matematik-statistik qayta ishlash va to'g'ri talqin qila olish;

jismoniy tarbiya va sport sohasi doirasidagi kasbiy faoliyat strukturasi tasvirlay olish;

yosh toifasi hamda rivojlanish bosqichlarining o'ziga xos xususiyatlari, shuningdek, gender, etnik, kasbiy va boshqa ijtimoiy qatlamlarga mansubligini hisobga olgan holda sportchilar faoliyatining o'ziga xos jihatlarini aniqlay olish;

yosh toifasi hamda rivojlanish bosqichlarining o'ziga xos xususiyatlari, shuningdek, gender, etnik, kasbiy va boshqa ijtimoiy qatlamlarga mansubligini hisobga olgan holda sportchi psixik faoliyatining o'ziga xos jihatlarini aniqlay olish.

bajarayotgan faoliyati bo'yicha ish rejasini tuzish, nazorat qilish va amalga oshirilgan ishning natijalarini baholash qobiliyatlariga ega bo'lishi lozim.

sport maktablari, sport turlariga ixtisoslashgan sport maktablari, faoliyat turlari bo'yicha ixtisoslashgan sport maktablaridagi sport mashg'ulotlarini tashkil etish va olib borish;

sport jamoalari, sport klublarida sport mashg'ulotlarini olib borish va sport musobaqalarini tashkil etish;

ishlab chiqarish korxonalarida jismoniy tarbiya va sport tadbirlarini tashkil etish;

jismoniy tarbiya va sport sohasidagi davlat va jamoat boshqaruv organlari hujjatlarini amaliy qo'llay olish.

2. Kasbiy kompetensiyalariga qo'yiladigan talablar

ilmiy dunyoqarashga doir bilimlar tizimini egallagan bo'lishi, umummetodologik fanlar asosini, davlat siyosatining dolzarb masalalarini bilishi; ijtimoiy muammolar va jarayonlarni mustaqil tahlil qilish qobiliyatiga ega bo'lishi;

ijtimoiy muammolar va jarayonlarni mustaqil tahlil qilish qobiliyatiga ega bo'lishi;

milliy ma'naviy va umuminsoniy qadriyatlar bo'yicha o'z nuqtai nazarini og'zaki va yozma bayon etishi, milliy g'oyaning nazariy asoslarni anglagan holda "Ozod va obod vatan, erkin va farovon hayot qurish" bosh g'oyasining mohiyatini hamda uning asosiy g'oyalar bilan mutanosibligi va farqini bilishi;

tabiat va jamiyatda yuz berayotgan jarayon va hodisalar haqida yaxlit tasavvurga ega bo'lishi, insonning ma'naviy qiyofasi haqida bilimlarga ega bo'lishi, ulardan hayotda va kasbiy faoliyatida hamda zamonaviy ilmiy tadqiqotlarda foydalana olishi;

shaxsning inson, jamiyat, atrof muhitga bo'lgan munosabatini tartibga soluvchi huquqiy va axloqiy me'yorlarni kasbiy faoliyatida qo'llay olishi;

yangi bilimlarni mustaqil o'zlashtira olishi, takomillashtirishi va o'z mehnatini ilmiy asosda tashkil qila bilishi;

o'zining individual bilimlariga tayangani holda ijtimoiy va shaxsiy ahamiyatga ega bo'lgan muammolarni tushunishi va ularni tahlil qilishi;

o'z faoliyatida me'yoriy huquqiy hujjatlardan foydalana bilishi;

fikrlash madaniyati, muayyan tafakkur uslubiga, og'zaki va yozma nutqini aniq bayon qilish qobiliyatiga ega bo'lishi;

o'zlashtirilgan bilimlarni ijodiy tanqidiy ko'rib chiqish va tahlil qilishi, ulardan ilmiy faoliyatida foydalana olishi;

ilmiy faoliyati natijalarini his qilishga yo'naltirilgan ijtimoiy mas'uliyat shakllangan bo'lishi;

kasbiy faoliyatda o'zlashtirgan fanlarning asosiy qonunlaridan foydalanishi, metodlarni tasniflashi, metodologik tamoyillardan ilmiy faoliyatida foydalana olishi;

xorijiy tillardan birini ilmiy muloqot va kasbiy malaka almashish vositasi sifatida egallagan bo'lishi;

axborotni to'plash, saqlash, ularga ishlov berish va ulardan foydalanish usullarini egallashi;

o‘zining kasbiy faoliyatida asosli mustaqil qarorlar qabul qila bilishi;
 axborot, bilim, ma‘lumotni bir-biridan farqlash malakasiga ega bo‘lishi,
 axborot texnologiyalaridan foydalana olishi;

bugungi axborotlashgan jamiyat sharoitida axborot texnologiyalarining mohiyati va ahamiyatini tushunish, axborot xuruji xavfi va tahdidlarni anglash, axborot xavfsizligining asosiy talablariga rioya qilish qobiliyatiga ega bo‘lishi;

internet tarmog‘idan axborotlarni olish, saqlash, qayta ishlashning asosiy usullari va vositalariga ega bo‘lishi, axborotni boshqarish vositasi sifatida kompyuter bilan ishlash ko‘nikmalariga ega bo‘lishi;

pedagogik faoliyatida axborot va pedagogik texnologiyalardan foydalanishi;

ta‘lim sifati va samaradorligini oshirishga innovatsion yondashishi;

ilmiy faoliyati natijalari bo‘yicha davlat va xorijda e‘lon qilingan loyihalarda ishtirok etish uchun loyiha tayyorlashi;

patent olish uchun ish me‘yoriy hujjatlar tayyorlay olishi;

davlat, nodavlat va notijorat tashkilotlari tomonidan e‘lon qilingan loyihalarda ishtirok etish uchun loyiha tayyorlash malakalariga ega bo‘lishi lozim.

mutaxassislik fanlarini o‘qitish metodikasini egallashi;

Oliy, malaka oshirish va qayta tayyorlash, o‘rta maxsus, professional ta‘limi muassasalarida mutaxassislikka oid tayyorgarlik yo‘nalishida nazarda tutilgan o‘quv fanlari bo‘yicha amaliy va laboratoriya mashg‘ulotlarini o‘tkazish mahoratiga ega bo‘lishi;

zamonaviy axborot va pedagogik texnologiyalardan foydalanib o‘quv mashg‘ulotlarini tashkil etish va o‘tkazish;

mutaxassislik fanlari bo‘yicha mashg‘ulotlarni o‘tkazish uchun zarur bo‘lgan o‘quv-metodik hujjatlarni tayyorlash va rasmiylashtirish;

statistika amaliyotida qo‘llaniladigan jismoniy tarbiya va sport sohasidagi ko‘rsatkichlaridan foydalanishni;

jahon sporti va xalqaro sport munosabatlari sohasida ma‘lumotlar yig‘ishni tashkillashtirish va ularning sifatini baholashni bilishi;

rejalashtirish, tashkil etish, motivatsiyalash va muvofiqlashtirish ko‘nikmalariga ega bo‘lishni;

jismoniy tarbiya va sportga oid munosabatlarda faoliyatga moslashish mexanizmini tushunishi;

sport-sog‘lomlashtirish tizimidagi institutlar faoliyati va uni tashkillashtirilishini ta‘minlashi lozim.

mutaxassislik fanlari bo‘yicha mashg‘ulotlarni o‘tkazish uchun o‘qitishning texnik va kompyuter vositalaridan foydalanish;

mustaqil ta‘lim va ijodiy izlanish natijasida o‘qitilayotgan fan hamda pedagogik faoliyat sohasidagi yangi shakl, metodlar va vositalarni o‘zlashtirish va o‘z-o‘zini rivojlantirish;

elektron axborot ta‘lim muhitida ta‘lim jarayonini pedagogik loyihalashtirish.

3. Amaliyotlarga qo‘yiladigan talablar.

Magistratura mutaxassisligi bo‘yicha ilmiy amaliyot (tajriba orttirish) o‘tkaziladi:

Ilmiy amaliyot (tajriba orttirish) – mutaxassislik fanlar bo'yicha olingan nazariy bilimlarni amaliyotda hamda ilmiy-tadqiqot muassasalarida mustahkamlash, amaliyot bilan uyg'unlashtirish, tegishli amaliy ko'nikmalar, kompetensiyalar va malakalami shakllantirish, ilmiy taqiqot mavzusi bo'yicha tegishli ma'lumotlarni olish hamda tegishli tajribalarni o'tkazishga, shuningdek, pedagogik mahoratini oshirishga qaratiladi.

4. Fanlar katalogining tuzilishi:

T.r.	Fanning malakaviy kodi	O'quv fanlari, bloklar va faoliyat turlarining nomlari	Umumiy yuklamaning hajmi, soatlarda	Kredit miqdori	Semestri
1.00		Majburiy fanlar	1560	52	
1.01	382ITME2401	Ilmiy tadqiqot metodologiyasi	120	4	1
1.02	382SPIT2402	Sportda ilmiy tadqiqotlar	120	4	1
1.03	382SMOR2403	Sport morfologiyasi	120	4	1
1.04	382TSFT2404	Tanlangan sport turining fiziologik tasnifi	120	4	2
1.05	382SMST2405	Sportda matematik-statistik tahlil (1-qism)	120	4	1
1.06	382SMST2406	Sportda matematik-statistik tahlil (2-qism)	120	4	2
1.07	382SSMB2407	Sportda saralash, modellashtirish va bashorat qilish (1-qism)	180	6	1
1.08	382SSMB2408	Sportda saralash, modellashtirish va bashorat qilish (2-qism)	120	4	2
1.09	382ASIT2409	Adaptiv sportda integral tayyorgarlik	180	6	2
1.10	382IUAS2410	Tanlangan sport turida sportchilarni tayyorlashning ilmiy-uslubiy asoslari (1-qism)	120	4	2
1.11	382IUAS2411	Tanlangan sport turida sportchilarni tayyorlashning ilmiy-uslubiy asoslari (2-qism)	120	4	3
1.12	382MFOM2412	Maxsus fanlarni o'qitish metodikasi	120	4	3
2.00	382ITME2401	Tanlov fanlar	240	8	3
2.00	382SPIT2402	<i>Tanlov fanlar (2 ta fan)</i>	240	8	3
	Kvalifikatsiya	Trener, pedagog-tadqiqotchi			
		Jami	1800	60	
		Ilmiy faoliyat	1800	60	
	382ITMI2401	Ilmiy-tadqiqot ishi va magistrlik dissertasiyasini tayyorlash	1110	37	1,2,3,4
	382IPEI2402	Ilmiy pedagogik ish	240	8	1,2,3
	382IAML2403	Ilmiy amaliyot (tajriba orttirish)	450	15	4
		Jami	1800	60	
		HAMMASI	3600	120	

Bibliografik ma'lumotlarUDK: 002:651.1/7
OKS 01.040.01

Guruh T 55

Tayanch so'zlar:

kasbiy faoliyat turi, kompetensiya, modul, ta'lim yo'nalishi, kasbiy faoliyat obyekti, kasbiy faoliyat sohasi, magistraturaning o'quv reja va fan dasturi (magistratura dasturi), profil, o'qib- o'rganish natijalari, o'quv davri, e-learning va m-learning texnologiyalari, ijtimoiy-iqtisodiy jarayonlar, tavakkalchilik, raqobat, raqobatbardoshlik, iqtisodiyot tarmoqlari va sohalari, huquq-tartibot, ekspert xizmati, baholash, sifatni baholash va nazorati, mustaqil ta'lim, ishlab chiqarish, tashkiliy-boshqaruv faoliyati, malaka amaliyoti, davlat attestatsiyasi, o'quv fanlari bloki, Oliy ta'lim muassasasi, ta'lim jarayoni, iqtisodiy xavfsizlik, ekspertiza, iqtisodiy jinoyatlar, ishlab chiqarish, loyihalash, ilmiy tadqiqot jarayoni, maxsus fanlarni o'qitish metodikasi, axborot-kommunikativ tizimlar, zamonaviy tadqiqot metodlari, axborot va zamonaviy pedagogik texnologiyalar, modellar va modellash, fan ishchi dasturlari, zamonaviy o'lchov asboblari, ilmiy tadqiqotlarni tashkil qilish, virtual elektron bilim manbalari, didaktika, nazariya.

Ishlab chiquvchilar, kelishilgan asosiy turdosh oliy ta'lim muassasalari hamda kadrlar iste'molchilari

ISHLAB CHIQLILGAN:

O'zbekiston davlat jismoniy tarbiya va sport universiteti
Rektor _____ R. Matkarimov



KELISHILDI:

O'zbekiston Respublikasi
Oliy ta'lim, fan va innovatsiyalar vazirligi
Oliy ta'limni rivojlantirish tadqiqotlari
markazi

Direktor _____ M. Bortabayev

2024-yil " _____ "



O'zbekiston Respublikasi Sport
vazirligi
Vazir o'rinbosari

_____ Sh. Maxmudov

2024-yil " _____ "



O'zbekiston Milliy Olimpiya
Qo'mitasi

Bosh kotib _____ O. Kasimov

2024-yil " _____ "



Respublika Olimpiya va paralimpiya
sport turlariga tayyorlash markazi

Direktor _____ A. Mamadaliyev

2024-yil " _____ "



Namangan davlat universiteti

Rektor _____ S. Turg'unov

2024-yil " _____ "

